



Cody Fó Ekipamento Eskola Liu Husi Alola

Cody Anderson, nudar estudante ida iha Australia fó ajuda ekipamentu eskola hanesan, livru, kores, tinta hodi pinta surat-han no ropa. Sasán hirak ne'e nia fornese atu ajuda eskola sira iha Timór Leste liu husi Fundasaun Alola.

Tuir CEO Alola, Anne Finch hatete, Cody Anderson hetan sasan hirak ne'e liu husi Kompetisaun prémiu Primeiru Ministru Australia, no hakerek konaba Timor Leste, no wanhira nia manan prémiu ne'e Cody halo kampanye ba estudante no povu Australia atu ajuda estudante sira iha Timór, liu husi sira fo livru, kores, tinta hodi pinta surat tahan, lapis, lapicera no ropa. Sasán hira ne'e Cody fó liu husi Forsa Defeza Australia tanba nia hetan konesementu ba Primeiru Ministru Australia.

Nia salenta katak, sasán ne'ebé Alola hetan husi Cody Anderson sei distribui ba eskola iha 13 distritu, maibé liu husi eskola Belun ne'ebé mak sai hanesan patner ho Alola.

Tuir Anne Ekipamento ne'ebé maka Cody fó tuir lolos nia fó direktamente ba eskola sira. Maibé tamba friadu entaun liu husi Alola defois maka fahe wanhira eskola hahu.



CEO no Ekipa Edukasaun Simu Sasan Husi Cody Wanhira Hatun husi Container FDA Nian

Komfrensia ba Dala Rua Feto ba Dame

FA nudar membru rede Feto ne'ebé mak halao knar bar-barak, nune'e mos iha tinan ida ne'e FA sai nudar sekretariado ba programa konferensia Internasional Feto ba dame ba dala rua. Membru rede feto ne'ebé mak tur hanesan Steering Committee (Komisaun Organizadora) maka hanesan Fundasaun Alola, Asia Pasifik Support Collective Timor Leste, Fokupers inclui mos JSMP(divizaun justisa ba Feto), Memoria Viva, UNIFEM, UNMIT Gender Affairs Unit, UNTL (Universidade Nasional Timor Lorosa'e) no husi Governu mak SEPI (Secretario de Estado ba Promosaun de Igualdade) no mos Secção Embaxada Norwega iha Timor Leste.

Filomena Barros dos Reis, nudar Coordenadora ba Komisaun Organizadora Konferensia Internasional ba darua Feto ba Dame iha Timor-Leste, hatete Aktividade ne'ebé mak sei halao mak hanesan, Peskiza ki'ik kona ba feto nia involvimentu iha area dame ne'ebé mak sei halao husi estudante UNTL nain 5 iha 13 distritos, workshop feto artista sira husi rai liur hamutuk ho feto artista Timor oan sira sei halao iha fulan Fevereiro 2009, Konferensia Internasional Feto ba Dame ne'ebé mak sei halao iha fulan Marsu 2009, no programa ikus liu mak artista feto Timor oan sira sei lao haleu distrito hotu hodi hato'o resultado husi konferensia Internasional liu husi teatro, poizia, muzika no pinturas.

Nia haktuir katak, Thema ba Konferensia ida ne'e mak feto nudar agensia kreativa ba dame ho Objectivo atu Promove no selebra papel kreativa nebe mak feto bele halo ba sociedade hanesan artista no arzenato, Rekoñese papel importante feto nian iha transformasaun konflitu no hari dame no mos sira nia partisipasaun importane no esforos kona rekonstrusaun, Hamutuk ho rede internasional ba hari dame ho organizaun feto iha regiaun no Explora impaktu kultura husi mane no feto iha mundo rai klaran.

Orsamentu hodi halao programa ida ne'e hetan apoio husi Embaxada Norwega nian iha Jakarta, Indonesia ho total ne'ebé liu dollar rihun atus rua. No nia espera katak aktividade konferensia internasional iha Timor sei lao ho suksesu tamba iha servisu ne'ebé diak.



Mena Nudar Komisaun Organizadora ba komfrensia

Grupu Suporta Inan Servisu Hamutuk ho Ospital Referral Baucau

Membru MSG nain rua iha fulan Juñu liu ba sai part time iha relasaun impregadu uma moras ka klinika. Feto nain rua ne'e fo konsellu ba inan sira foin partu para oinsa fo susu-ben inan nian ba oan sira, ajuda inan sira hare oan sira ho domin, diskute konaba benefisiu akuzivu susu-ben inan nian no risku fo susu-ben formula.

Ajuda inan sira tur ahi tuir nia laiha tempu hodi tuir diskusaun feto sira no hanorin inan sira oinsa fo susu-ben ba oan sira ho didi'ak.

Tamba ne'e impregadu uma moras nian fo suporta extra. Impregadu relasaun ho uma moras nian distribui pakote material importante ba inan sira ne'ebé foin atu partu, tamba sira prezisa bebe nia roupa, sarong ida, roupa ba inan sira no produktu sanitari nian.

Se mak iha Fundasaun Alola?

Alola hari'i iha tinan 2002 dedika atu haforsa feto hodi hadia iha area Saúde, Edukasaun, Lideransa no Oportunidade Empregadu. Tim lideransa: CEO: Anne Finch. Programa Manager: MCH - Veronica Corriea & Tany Wells-Brown; Advokasia - Alita Veridal; Edukasaun - ; Dezemvolvimentu Ekonomia: Bernadete da Fonseca; Manager Official—Maria Braz da Costa. Tel: +670 3323855; Email: Info@alolafoundation.org; www.alolafoundation.org

FA Tuir Expozisaun Iha Melbourne

Fundasaun Alola (FA) semana hirak liu ba hetan okaziaun diak hodi participa iha expozaun textile tais iha Melbourne Australia. Partisipasaun FA nia iventu ne'e atu hare Mercadoria para alein halo promosaun ba produsaun tais iha rai laran liu husi workshop iha Melbourne.

Ofelia Neves Napoleão, nudar Koordinator Produsaun Taibessi hatete, expozaun ne'e hahú loke iha Sesta (5/9) kalan no loke to dia 30 fulan ne'e. Ema ne'ebé maka ba involve iha atividade ne'e maka hanesan, Robyn Maxwell (Senior Curator of Asian Art at Nasional Gallery of Australia), Joanna Barkmann nudar (Curato, Southeast Asians

Art and Material Culture, MAGNT) no Sara Niner, Post-Doctoral Fellow, Monash University

Nia esplika katak ema Australianu barak mak ba hare no sosa tais Timor Leste ne'ebé lori husi distritu 13. Tuir nia bainhira ema sira ba hare no sosa, sira apresia no interesanti boot tebes atu hatene oinsá Timor oan sira produs tais.

Konsumidór sira maioria mai husi estudante universidade no mós iha ema idade sira ne'ebé maka gosta arte tais." Estudante Universidade sira ne'ebé maka mai hare no sosa tais tamba gosta arte tais no kultura entaun sira ba sosa no husu kona ba prosesu halo tais, tamba iha ema balun durante ne'e so hatene deit tais husi Indonesia," nia hatete.

....continua pagina 2



Tais Timor Ne'ebé Alola Uza Ba Expozisaun

Alola lansa programa Animasaun ba Labarik

Fundasaun Alola servisu hamutuk ho Care Internasionál hala'o ona programa animasaun ba labarik iha tempu feriadu naruk. Programa ida ne'e atu motiva labarik sira bele aprende buat barak liu husi iniciativa iha tempu ferias, para lein atu hadia qualidade ensinu ba labarik sira nian iha futuro.

Fundasaun Alola no Care Internasionál organiza ona programa ne'e iha distritu haat no hetan apoiu makaas husi Ministru Edukasaun, Joao Cancio Freitas. Tuir planu tinan oin Ministériu Edukasaun sei habelar tan programa ne'e ba iha distritu tomak.

Lansamentu programa ne'e halao iha Asosiasaun Haburas Komuidade Becora, Sesta (5/9), Ministru Edukasaun iha okaziaun ne'e hatete inan-aman hanesan xave no edukador ida importante ba dezenvolvimentu oan sira, tamba oan sira maka sai futuro nasaun i nasaun iha sira nia liman. Tan ne'e tenke eduka didi'ak oan sira atu sai ema ida diak iha futuro.

Iha fatin hanesan, Embaixadora Extraordinário Programa Edukasaun no nudar Diretor Fundasaun Alola, Senora Kirsty Sword Gusmão, hatete inan-aman sira mak eduka uluk oan sira hanesan aprende ko'alia, rona, la'o no halo sosializasaun iha uma antes sira ba eskola.

"Hanesan inan husi oan mane nain tolu, hau Rekoñese katak importante ba inan no aman atu hola parte ativu iha labarik sira nia edukasaun no formasaun intelektuál no emocionál. Buat ida mak ita prezisa hatene katak sai inan-aman laos buat ida fasil," Kirsty hatete.

Inan-aman sira ne'ebé tau matan ba labarik husi tinan zero tinan to'o tinan 6, iha papél no xave ba oan sira nia dezenvolvimentu. Basáa labarik ki'ik sira aprende iha uma husi saida mak sira hare, husi sira seluk halo no interese ho buat hotu ne'ebé hale'u sira. labarik sira mós haksolok halo buat ne'ebé sira seluk halo no aprende komunika sira nia nesidade no sentimento.

Programa animasaun iha tempu feriadu eskola ne'e lansa iha semana hirak kotuk liu ba, tuir Kirsty, fó rekonesementu ba labarik sira nia direitu liu-liu direitu atu halimar. Tamba liu husi halimar labarik sira aprende oinsá rezolve problemas, kolabora ho ema seluk, haforsa sira nia isin lolon, dezenvolve lian, uza sira nia imanjinasaun no komunika mós sira nia sentimento.

....continua pagina 3

Sede Rejiaun I Baucau Funsiona

Fundasaun Alola komesa funsiona fila fali sede iha rejiaun Baucau hodi halao programa grupu feto sira nian iha area ne'eba.

Marina da Costa Braz, Office Manager Fundasaun Alola hatete, sedé Alola iha Baucau sei kontinua halao programa iha rejiaun I ne'ebe kompostu husi distritu Baucau, Viqueque, Lautem, no inklui mos Manatuto. funsionamentu sedé FA para fasilita atividade Alola nian iha area ne'eba, hanesan saude, edukasaun no advokasia.

Sedé Baucau hahú funsiona iha 2006 liu ba. Grup u feto iha Baucau uza ona sede ne'e hodi halo enkontru no halo atividade ne'ebe iha relasaun ho feto sira nian. maibe iha krizi hetan estragus entaun Alola foin hadian fila fali hodi uza halao atividade hahu ina tinan 2007. Hodi halo programa saude hanesan klibur susu-been inan no oan, Hospital Liason National, advokasia programa Servidor Suporta Distritu (SSD) no edukasaun programa eskola Belun.

Ho sedé ne'ebe komesa funsiona efetivu staf seguransa no servisu hamos nian hamutuk nain 3 inklui responsabel programa saude, edukasaun no advokasia inklui Office Manager ida ne'ebe responsabel ba sedé hodi halao atividade Alola nian iha rejiaun Baucau.



Alola Nia Sede Iha Regiaun Baucau

Implementa Fundus Ki'ik Ba Area Rural

Iha tinan 2008 ba oin projetu Fundus ki'ik ne'ebé hetan suporta husi Gulbenkian sei fokus liu ba iha area rural, basaa feto sira iha area rural laiha liu informasaun konaba dezvoltimentu iha rai laran.

Koordinador ba dezvoltimentu komidade, Cesilia da Fonseca, hatete projetu fundus ki'ik halao ona iha tinan kotuk liu ba, no tarjet ba iha grupu sira iha distritu hanesan District Supports Women, grupu suporta inan no CEO ne'ebé harii iha distritu 3 no mos NGO ne'ebé maka halao ona atividade fundus ki'ik no atividade promosaun saude. Iha tinan ida ne'e Alola sei halao nafatin projetu ne'e ho fokus ba iha area rural no fó promosaun saude ba feto sira iha distritu liu-liu suku no aldeia.

Cecilia hatete, Iha komfrensia distrital ba dala uluk iha Same, iha isu bar-barak mak mosu husi feto sira kona-ba falta informasaun ba iha parte Saude nian no dezvoltimentu iha rai laran minímu liu partisipa-

saun feto sira nian. Agora dau-daun katak F o n s e c a , halo ona preparasaun atu distribui fundus ki'ik ba distritu tomak iha Timor Leste. Distribuisaun

ne'e sei organiza liu husi Alola ho nia District Supports Women iha distritu 13 no fó mos informasaun liu husi Radio Komidade ne'ebé maka sai partner servisu Alola nian. Total grupu ne'ebé maka Alola sei distribui fundus ki'ik ne'e hamutuk grupu 39 iha distritu 13.

Grup u ida-ida sei hetan fundus hamutuk U\$ 1000,00, maibé ba NGO sira sei hetan fundus hamutuk U\$ 1.500,00 to U\$ 2.000,00, no fundus ne'ebé Gulbenkian fórnese hamutuk U\$ 30.000,00.

Projetu ne'e hahú iha Agostu tinan ne'e no ramata iha Dezembru 2008 oin mai, i ba futuru grupu feto sira sei dezvoltive sira nian ho di'ak liu husi treinamento no akompaña ne'ebé mak ami fó ba sira.



Sara Niner (Klaran) Nudar Koordenador ba Expozisaun

Husi Pagina I: Expozisaun Iha Melbourne

Nia esplika katak, tais ne'ebé sira lori mai husi distritu 13 hodi ba tuir expoizisaun ne'e atu bele esplika no apresenta ba povu Australianu sira katak Timor oan sira iha tais oin-oin i tais husi distritu ida diferente ho distritu seluk iha nasaun ne'e. Tais husi distritu ida sempre iha diferenza. Diferensia hirak ne'e hare husi futus no kór, hanesan mós diferenza entre tais husi West Timor no East Timor. Ba maluk sira ne'ebé hela iha fronteira, tais husi fronteira gosta liu kór moris no ema Timor Leste gosta liu kór natural i barak liu halo dezeñu lafaek ho kores ne'ebé hatudu diferenzia entre distritu ida ho distritu seluk.

"Tais ne'ebé maka ami lori ba tuir expoizisaun no ema sosa barak liu maka tais husi distritu Oekusi, tamba sira halo ho kabas organic no ema barak gosta tamba tais ne'e natural los," nia esplika.

Husi expoizisaun ne'ebé Fundasaun Alola tuir Ofelia tais Timor sei hetan fatin di'ak maibé ita tenke esforsu maka'as hodi hasae qualidade tais nasaun ne'e nian. "Ho qualidade di'ak iha futuru tais Timor sei hetan Mercado diak iha mundu internasionál." dehan Ofelia



FA Sai Juri ba Festival Fashion Show Tais Tradisionál iha Kom

Fundasaun Alola servisu hamutuk ho ITZ, fó apoiu ba Festival Fashion Show Tais Tradisional iha Kom Distritu Lospalos. FA mos sai hanesan juri ba iha festival Fashion Show ne'e para hare oinsá bele servisu ho grupu tais iha Kom. Durante loron rua Festival ne'e aproveita halo promosaun ba produsaun tais no festival musika tradisional .



Uza Tais Tradisional

Ami ba iha Kom, Distritu Lautem hodi sai hanesan juri ba festival tais show tradisional no modernu nian inklui kona-ba kaben adat ninian. Partisipsaun FA hanesan juri atu hare kona-ba oinsá istilus hatais roupa ne'ebé fó imajen tradisional nian iha Lospalos no distritu sira seluk ho tais tradisional no tais modernu.

Tais tradisional ne'e halo ho kabas Timor nian rasik no putus iha valor aas tebes duke tais ne'ebe halo ho kabaas Mercado tais komérsiu. Tais hirak ne'e bele modifika sai fali sasan sira seluk tuir neseseidade humana nian. Tais tradisional bele modifika ba sasan ho-hotu, maibe bele uza hodi halo lia ka adat, ne'e tradisaun deste beila sira nian.

Alende sai juri, Alola fó apoiu no sosa komidade sira nia tais. Festival ne'e iha buat barak mak sira hadia ezemplu oinsá sira prepara an atu tuir festival.

Hanesan konaba tais tradisional oinsá sira hatais tradisionalmente iha iventu kaben no uza ba simu ema boot. Ba tais modernu laiha treinamento, sira hadia qualidade produzaun tais no mós hadia nia sira produtu no oinsá sira bele mudifika sira nia tais para uza ba lor-loron nian.

Alola servisu hamutuk ho nia parseiru sira hanesan sosa sira nia tais no Alola sai hanesan merkado ba sira. Alola mos fo atensaun ba sira oinsá bele halo tais ida ho qualidade, ida ne'e diak para manteina nafatin.

Alola fo oportunidade ba sira halo tais tradisional no modernu, maibe ho qualidade ida ne'ebe diak atu nune'e ema bele sosa ho folin aas. Alola mós fo hanoin ba jersaun foun sira iha Kom atu hahú halo tais tradisional, tamba tuir observaun FA nian ferik sira mak halo tais tradisional entertantu klosan sira halo deit tais modernu.



Uza Tais Modernu



Husi pagina 1: Animasaun Labarik Peskiza barak hatudu katak, bainhira labarik sira envolve ativu iha prosesu aprendizajen no hetan oportunidade atu pratika buat ne'ebé sira aprende, hatudu prestasaun di'ak liu atu aprende lee no hakerek."Ida ne'e mak ha'u nia esperansa katak, nu'udar inan-aman no edukador ita bele fó kbiit no koranjem ba ita nia oan sira atu realiza sira nia potencialidade no haksolok ho saida de'it mak sira halo," katak Kirsty .

Rosario Nudar kordenador programa eskola feriadu hatete programa ne'e hala'o ona iha distritu haat, hanesan, Dili, Ainaro, Same, Ermera, "ami laran haksolok tamba labarik barak mak participa iha programa ida ne'e. Bainhira hala'o programa ne'e ami halo jogu oin-oin para labarik sira bele aprende.